

Pleidleisiau a Thrafodion – Y Cyfarfod Llawn

Lleoliad y cyfarfod:
Y Siambr – Y Senedd

Gellir gwyllo'r cyfarfod ar [Senedd TV](http://senedd.tv/cy/13561) yn:
<http://senedd.tv/cy/13561>

Dyddiad y cyfarfod:
Dydd Mercher, 22 Tachwedd 2023
Amser y cyfarfod: 13.30

173

Cynhelir y cyfarfod hwn ar ffurf hybrid, gyda rhai Aelodau yn Siambr y Senedd ac eraill yn ymuno drwy gyswllt fideo.

1 Cwestiynau i Weinidog yr Economi

Dechreuodd yr eitem am 13.30

Gofynnwyd cwestiynau 1–7 a chwestiynau 9–10. Tynnwyd cwestiwn 8 yn ôl. Atebwyd cwestiynau 2 a 6 gan y Ddirprwy Weinidog y Celfyddydau, Chwaraeon a Thwristiaeth. Gwahoddodd y Llywydd lefarwyr y pleidiau i ofyn cwestiynau i'r Gweinidog a'r Dirprwy Weinidog ar ôl cwestiwn 2.

2 Cwestiynau i'r Gweinidog Iechyd a Gwasanaethau Cymdeithasol

Dechreuodd yr eitem am 14.20

Gofynnwyd cwestiynau 1–3, 5–6 ac 8–11. Tynnwyd cwestiynau 4 a 7 yn ôl. Atebwyd cwestiwn 10 gan y Dirprwy Weinidog Gwasanaethau Cymdeithasol. Gwahoddodd y Llywydd lefarwyr y pleidiau i ofyn cwestiynau i'r Gweinidog a'r Dirprwy Weinidog Gwasanaethau Cymdeithasol ar ôl cwestiwn 2.

3 Datganiadau 90 Eiliad

Dechreuodd yr eitem am 15.15

Gwnaeth **Jayne Bryant** ddatganiad am – Mis Ymwybyddiaeth Canser y Pancreas (Tachwedd).



Senedd Cymru
Welsh Parliament

Gwnaeth **Vikki Howells** ddatganiad am – Cofio Alf Sherwood, cyn-gapten tîm pêl-droed Cymru, a fyddai wedi bod yn 100 oed eleni (13 Tachwedd).

Gwnaeth **Alun Davies** ddatganiad am – Teyrnged i'r Arglwydd Beddoe o Gilgeti, arglwydd y meinciau croes a chyn-gadeirydd y WDA, a fu farw'r wythnos ddiwethaf.

4 Dadl ar ddeiseb P-06-1356: Cyflwyno mesurau diogelwch cynhwysfawr ar gyffordd 'Mynegbost' yr A477

Dechreuodd yr eitem am 15.20

NDM8408 [Jack Sargeant \(Alun a Glannau Dyfrdwy\)](#)

Cynnig bod y Senedd:

Yn nodi'r ddeiseb '[P-06-1356 Cyflwyno mesurau diogelwch cynhwysfawr ar gyffordd 'Mynegbost' yr A477](#)' a gasglodd 10,310 o lofnodion

Derbyniwyd y cynnig yn unol â Rheol Sefydlog 12.36.

5 Dadl y Ceidwadwyr Cymreig – Technoleg ddigidol a deallusrwydd artiffisial yn y GIG

Dechreuodd yr eitem am 15.51

Gohiriwyd y bleidlais ar y cynnig a'r gwelliannau o dan yr eitem hon tan y Cyfnod Pleidleisio.

Cynhaliwyd pleidlais ar y cynnig heb ei ddiwygio:

NDM8410 [Darren Millar \(Gorllewin Clwyd\)](#)

Cynnig bod y Senedd:

1. Yn dathlu datblygiad a defnydd o dechnolegau arloesol gan wasanaethau iechyd ledled y DU.

2. Yn croesawu'r Uwchgynhadledd Diogelwch Deallusrwydd Artiffisial, yr uwchgynhadledd fyd-eang gyntaf erioed ar ddeallusrwydd artiffisial, a gynhaliwyd ar 1 a 2 Tachwedd 2023.

3. Yn gresynu:

- a) nad yw pob meddygfa yn defnyddio ap GIG Cymru;
- b) nad yw e–bresgripsiynu wedi'i gyflwyno'n llawn yn GIG Cymru; a
- c) bod y seilwaith technolegol sy'n sail i GIG Cymru yn creu rhwystrau i ymarfer clinigol.

4. Yn galw ar Lywodraeth Cymru i wneud yr hyn a ganlyn:

- a) cyflwyno ap y GIG ac e–bresgripsiynu ar frys ar draws GIG Cymru gyfan;
- b) cyflymu'r broses o integreiddio technolegau digidol a deallusrwydd artiffisial ar gyfer GIG Cymru; a
- c) dechrau ar y broses o gael gwared ar dechnolegau'r GIG sydd wedi dyddio.

O blaid	Ymatal	Yn erbyn	Cyfanswm
23	0	24	47

Gwrthodwyd y cynnig heb ei ddiwygio.

Cyflwynwyd y gwelliant a ganlyn:

Gwelliant 1 [Lesley Griffiths \(Wreccsam\)](#)

Dileu popeth ar ôl pwynt 2 a rhoi yn ei le:

Yn nodi pwysigrwydd sicrhau bod gweithio'n digwydd ar draws y DU yn dilyn uwchgynhadledd ddiweddar Llywodraeth y DU ar ddiogelwch deallusrwydd artiffisial (AI), er mwyn sicrhau bod safbwyntiau Cymru yn cael eu hadlewyrchu mewn penderfyniadau a chamau gweithredu yn y dyfodol.

Yn nodi pwysigrwydd datblygiad parhaus gwasanaethau digidol a thechnoleg ym maes lechyd a Gofal Cymdeithasol er mwyn sicrhau gofal o ansawdd uchel.

Yn croesawu:

- a) bod dros 200 o bractisau meddygon teulu bellach yn defnyddio Ap GIG Cymru;
- b) mai'r pwriad yw ei gyflwyno ym mhob practis erbyn diwedd mis Mawrth 2024;

c) bod gwasanaeth presgripsiynau integredig yn dechrau cael ei gyflwyno ledled y wlad, wedi i'r Gwasanaeth Presgripsiynau Electronig newydd mewn Gofal Sylfaenol gael ei lansio; a

d) gwaith cydgysylltu'r sector iechyd a gofal cymdeithasol ar dechnolegau newydd a rhai sy'n dod i'r amlwg, megis AI, i helpu i sicrhau eu bod yn cael eu mabwysiadu mewn modd cyfrifol, moesegol, teg a diogel.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
35	0	12	47

Derbyniwyd gwelliant 1.

Cynhaliwyd pleidlais ar y cynnig fel y'i diwygiwyd:

NDM8410 [Darren Millar \(Gorllewin Clwyd\)](#)

Cynnig bod y Senedd:

1. Yn dathlu datblygiad a defnydd o dechnolegau arloesol gan wasanaethau iechyd ledled y DU.
2. Yn croesawu'r Uwchgynhadledd Diogelwch Deallusrwydd Artiffisial, yr uwchgynhadledd fyd-eang gyntaf erioed ar ddeallusrwydd artiffisial, a gynhaliwyd ar 1 a 2 Tachwedd 2023.
3. Yn nodi pwysigrwydd sicrhau bod gweithio'n digwydd ar draws y DU yn dilyn uwchgynhadledd ddiweddar Llywodraeth y DU ar ddiogelwch deallusrwydd artiffisial (AI), er mwyn sicrhau bod safbwyntiau Cymru yn cael eu hadlewyrchu mewn penderfyniadau a champau gweithredu yn y dyfodol.
4. Yn nodi pwysigrwydd datblygiad parhaus gwasanaethau digidol a thechnoleg ym maes iechyd a Gofal Cymdeithasol er mwyn sicrhau gofal o ansawdd uchel.
5. Yn croesawu:
 - a) bod dros 200 o bractisau meddygon teulu bellach yn defnyddio Ap GIG Cymru;
 - b) mai'r pwriad yw ei gyflwyno ym mhob practis erbyn diwedd mis Mawrth 2024;

c) bod gwasanaeth presgripsiynau integredig yn dechrau cael ei gyflwyno ledled y wlad, wedi i'r Gwasanaeth Presgripsiynau Electronig newydd mewn Gofal Sylfaenol gael ei lansio; a

d) gwaith cydgysylltu'r sector iechyd a gofal cymdeithasol ar dechnolegau newydd a rhai sy'n dod i'r amlwg, megis AI, i helpu i sicrhau eu bod yn cael eu mabwysiadu mewn modd cyfrifol, moesegol, teg a diogel.

O blaid	Ymatal	Yn erbyn	Cyfanswm
47	0	0	47

Derbyniwyd y cynnig fel y'i diwygiwyd.

6 Dadl Plaid Cymru – Y sector rhentu preifat

Dechreuodd yr eitem am 16.42

Gohiriwyd y bleidlais ar y cynnig a'r gwelliannau o dan yr eitem hon tan y Cyfnod Pleidleisio.

Cynhaliwyd pleidlais ar y cynnig heb ei ddiwygio:

NDM8409 [Heledd Fychan \(Canol De Cymru\)](#)

Cynnig bod y Senedd:

1. Yn nodi:

a) y pwysau costau byw parhaus sy'n wynebu rhentwyr;

b) y cynnydd rhent cyfartalog blynyddol yng Nghymru o 13.9 y cant yn 2021–22;

c) y cynnydd rhent cyfartalog pellach yng Nghymru o 6.5 y cant yn 2022–23, gyda Shelter Cymru yn nodi enghreifftiau o renti'n codi 100 y cant;

d) mai rhenti myfyrwyr yw 60 y cant o becyn cynhaliaeth cyfartalog y DU, gyda 32 y cant o fyfyrwyr sy'n astudio yng Nghymru yn methu â thalu eu rhenti.

2. Yn credu na ddylai unrhyw un yng Nghymru gael ei roi mewn perygl o fod yn ddigartref o ganlyniad i chwyddiant uchel a diffyg stoc tai fforddiadwy.

3. Yn galw ar Lywodraeth Cymru i weithredu ar unwaith i wneud yr hyn a ganlyn yn y sector preifat:

a) rhewi rhenti;

b) cyflwyno mesurau i wahardd troi allan y gaeaf hwn.

[Ymateb Shelter Cymru i ymgynghoriad Papur Gwyrdd Llywodraeth Cymru: Creu llwybr tuag at dai digonol gan gynnwys rhenti teg a fforddiadwyedd](#)

O blaid	Ymatal	Yn erbyn	Cyfanswm
11	0	36	47

Gwrthodwyd y cynnig heb ei ddiwygio.

Cyflwynwyd y gwelliannau a ganlyn:

Gwelliant 1 [Lesley Griffiths \(Wrecsam\)](#)

Dileu popeth a rhoi yn ei le:

Cynnig bod y Senedd:

1. Yn nodi'r pwysau parhaus o ran costau byw y mae pobl sy'n rhentu yn eu hwynebu.
2. Yn croesawu'r ymrwymiad yn y Rhaglen Lywodraethu, fel rhan o'r Cytundeb Cydweithio gyda Phlaid Cymru, i gyhoeddi Papur Gwyn yn amlinellu cynigion ynghylch posibilrwydd sefydlu system o renti teg a hefyd ddulliau newydd o sicrhau bod cartrefi'n fforddiadwy i bobl ar incwm isel.
3. Yn croesawu'r camau pendant, uchelgeisiol a radical ar gyfer diwygio yn y dyfodol a amlinellir yn y Papur Gwyn ar Roi Diwedd ar Ddigartrefedd a ddatblygwyd fel rhan o'r Cytundeb Cydweithio gyda Phlaid Cymru.
4. Yn credu na ddylai unrhyw un yng Nghymru wynebu'r posibilrwydd o ddigartrefedd yn sgil budd-daliadau annigonol sy'n gysylltiedig â thai.
5. Yn cydnabod mai'r dull unigol mwyaf ar gyfer mynd i'r afael â phroblemau fforddiadwyedd yn y sector rhentu preifat yw cyfraddau'r Lwfans Tai Lleol, ac yn galw ar Lywodraeth y DU i godi'r cyfraddau er mwyn adlewyrchu gwir gost rhent.

[Papur Gwyn ar roi diwedd ar ddigartrefedd yng Nghymru](#)

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
35	0	12	47

Derbyniwyd gwelliant 1.

Gan fod gwelliant 1 wedi ei dderbyn, cafodd gwelliant 2 ei ddad-ddethol.

Cynhaliwyd pleidlais ar y cynnig fel y'i diwygiwyd:

NDM8409 [Heledd Fychan \(Canol De Cymru\)](#)

Cynnig bod y Senedd:

1. Yn nodi'r pwysau parhaus o ran costau byw y mae pobl sy'n rhentu yn eu hwynebu.
2. Yn croesawu'r ymrwymiad yn y Rhaglen Lywodraethu, fel rhan o'r Cytundeb Cydweithio gyda Phlaid Cymru, i gyhoeddi Papur Gwyn yn amlinellu cynigion ynghylch posibilrwydd sefydlu system o renti teg a hefyd dulliau newydd o sicrhau bod cartrefi'n fforddiadwy i bobl ar incwm isel.
3. Yn croesawu'r camau pendant, uchelgeisiol a radical ar gyfer diwygio yn y dyfodol a amlinellir yn y Papur Gwyn ar Roi Diwedd ar Ddigartrefedd a ddatblygwyd fel rhan o'r Cytundeb Cydweithio gyda Phlaid Cymru.
4. Yn credu na ddylai unrhyw un yng Nghymru wynebu'r posibilrwydd o ddigartrefedd yn sgil budd-daliadau annigonol sy'n gysylltiedig â thai.
5. Yn cydnabod mai'r dull unigol mwyaf ar gyfer mynd i'r afael â phroblemau fforddiadwyedd yn y sector rhentu preifat yw cyfraddau'r Lwfans Tai Lleol, ac yn galw ar Lywodraeth y DU i godi'r cyfraddau er mwyn adlewyrchu gwir gost rhent.

[Papur Gwyn ar roi diwedd ar ddigartrefedd yng Nghymru](#)

O blaid	Ymatal	Yn erbyn	Cyfanswm
35	0	12	47

Derbyniwyd y cynnig fel y'i diwygiwyd.

7 Cwestiynau Amserol

Dechreuodd yr eitem am 17.39

Atebwyd gan y Gweinidog Cyllid a Gwasanaethau Cymdeithasol

[Peter Fox \(Mynwy\)](#): Pa asesiad y mae'r Gweinidog wedi ei wneud o'r effaith y bydd datganiad yr hydref Llywodraeth y DU yn ei chael ar Gymru?

8 Cyfnod Pleidleisio

Dechreuodd yr eitem am 17.51

9 Dadl Fer

Dechreuodd yr eitem am 17.56

NDM8406 [Samuel Kurtz \(Gorllewin Caerfyrddin a De Sir Benfro\)](#)

Diogelu anifeiliaid sy'n cael eu cam-drin – rhoi pwerau statudol i'r RSPCA

Daeth y cyfarfod i ben am 18.11

Cynhelir Cyfarfod Llawn nesaf y Senedd am 13.30, Dydd Mawrth, 28 Tachwedd 2023